

A

Necc ssgaædey tiṭṭawin inu yar idurar, manis i dd ya tas twiza inu? Twiza inu zi SIDI, wenni iggin ajenna d temmurt. Netta war ittejji aḍar nnek ad ifarɣ, wenni cek iḥeṭṭan war ittnudum. Xzar, wenni iḥeṭṭan Israyil war ittnudum u war ittetteṣ. SIDI d amehḍay nnek, SIDI d tiři nnek yar ufus afusi nnek. Deg wass tafuct war cek teccit ca uřa d taziri s ġiřet. SIDI ad cek iḥḍa zi marra řyar, netta ad iḥḍa řeemar nnek. SIDI ad iḥḍa uffuy nnek d wadaf nnek, zi řexxu yars ař i řebda.

B

A marra řegnus, wtem deg ifassen, syuyyem i AREBBI s usřiwřew ijeħden. Mařar SIDI, Ameuġi x kuřci, aqa issaggwad, netta d ijj n ujeġid d ameqqran x marra tammurt. Netta issaḍara aney-dd řegnus uřa d iyduden yarra ten sadu iḍaren nney. Netta ifarrez tasyart nney n temmurt i neccin, tenni d afeyyec n Yaequb wenni tuřa ittexs. Sila. AREBBI yuři sennej s usřiwřew, SIDI, yar tmijja n řbuq. Zehħdem i AREBBI, zehħdem! Zehħdem i ujeġid, zehħdem! Mařar SIDI d ajeġid x marra tammurt. Zehħdem izehħiden iweznen. AREBBI iħekkem x řegnus, AREBBI ittyima x řkursi nnes iqeddsen. Tarwa n tařiret n řegnus twassmunen yar řgens n AREBBI n Ibrahim, mařar tcappat n useřqi n temmurt i AREBBI. Netta aqa-t itwasseuġa qaæ.

C

Senjem, a SIDI, minzi ařdiq itwaqḍa, mařar war din ead imtiqqan jar tarwa n bnaħem. Nitni ssawařen jarasen s ixarriġen, s iyencicen ccuren s usħinneb iyekkwan, aqa ssawařen s tnayen n iyembab. Ejj SIDI ad iqḍee marra iyencicen s usħinneb iyekkwan, uřa d iřes s wawařen n nnfaxet. inni iqqaren “S yiřes nney ad řarney yiři uqarru imřar, iyencicen aqa-ten nney! Man wen iġan xaney d sidi?” “Di ssibbet n ddeġ i itteggen x řmusakin uřa di ssibbet n iyuyyan n imezřaḍ, ad kkarey řexxu necc”, inna SIDI. ”Wenni x tuřa idduqez, ad t awyey di řaman.” Awařen n SIDI aqa-ten d awařen řfan, twassizdgen am nnuqart deg ijj n řkas i ufesyi di temmurt, twassizdgen sebea n twařawin. Cek, a SIDI, ad ten teħḍid, ad aney teřřared zi jjiř-a, i řebda qaæ. Iæeffanen gguren nnden mani mma, xmi i ya ikkar ddeġ jar tarwa n bnaħem.

D

SIDI iħekkem, ejj ad arjijjen řegnus. Netta iqqim jar ixiruben, tammurt tebda ad tenhezz. SIDI d ameqqran di řihyun u yueřa aṭṭas x marra řegnus. Ejj iten ad qadan isem nnek ameqqran issaggwaden, ad inin aqa netta d amqeddas. Jjeħd n ujeġid aqa netta ittexs řħeqq. Cek teggid amcan imten i tasegda, teggid řħeqq d tsegda di Yaequb. Seuġem SIDI, AREBBI nney, aḍarem zzat i tnebdar n iḍaren nnes. Aqa netta d amqeddes! Musa d Harun tuřa-ten zeg ikeħhanen nnes u řamwil tuřa zeg inni iřayan isem nnes. Nitni řayan yar SIDI uca netta isřa asen. Issiweř akidsen zeg uqellij n useynu. Nitni ḥḍan cħadar nnes uřa d tiweřša nnes nni d asen iwca. A SIDI, AREBBI nney, cek teřřid asen. Cek d ijj n AREBBI iyeffaren, uřa d umtaqem x tmegga nsen. Seuġem SIDI, AREBBI nney, aḍarem zzat i wedrar nnes iqeddsen, mařar SIDI, AREBBI nney, d amqeddes i iġa.

E

Mammec tfeyyced zi tæeffant, a jjiheř? Tamexsiwt icewwaren n SIDI tettekk ass imun. Iřes nnek ittxarreř di řyar, amecnaw ijj n řmus iqeđeen i uřeffi issuffuy acmat. Cek ttexsed taæeffant ařtas x třebřant, řhard s ixarriqen ktar ařtas x řhard n tsegda. Sila. Cek tettexsed awařen ihellken uřa d iřes iccur s wecmat. Maca Arebbi ad cek yareddeğ i řebda, netta ad cek iřtef, ad cek ikkes zi tzeddiyt. Wah netta ad cek iqřee zeg iřewran nnek zi temmurt n yenni iddaren. Sila. Imseggaden ad t řaren ad ggweden. Ad xas đeřcen, ad inin “Xzar aryaz ijeħden wenni umi war iggi Arebbi ijeħd nnes, maca tuřa ittceř x wagra nnes ameqqran. Tuřa idweř ijeħd s řyar nnes.” Necc ad iři amecnaw ijj n uzemmur d aziza di taddart n AREBBI. Necc ttiqqey di tmexsiwt icewwaren n AREBBI i řebda qaę. Necc ad cek qadiy i řebda qaę, mařar cek teggid t. Ad ssitimey deg yisem nnek, mařar netta d ařebřan i iřdiqen nnek.

F

řar iřezran n Babil, dinni i tuřa nettyima u nru xmi tua nettidar řihyun. Neccin nuyeř řgambriyyat nney řar tcejura n tnemřač i iğan di řwest nnes. Mařar inni d aney iřebbsen ttaren zzayneř dinni ad nyenneř awařen n yijj n yezři u inni d aney iřřaren ttaren ca n řřajet issefrařen, uca nnan ‘řennjem zeema ijj zeg izřan n řihyun i neccin!’ Mammec nzemmar xenni ad nyenneř ijj n yezři n SIDI di temmurt n midden? Mařa necc ttuy cem, a Urcalim, xenni iři axmi mařa afus afusi ittu ixef nnes. Ejj ad ayi iřřeq iřes inu x waney inu, mařa necc war cem ttidarey, mařa necc war sseuğiy Urcalim x řefrařet inu tameqqrant qaę. A SIDI, eqeř x ayt n Idum, deg wass n Urcalim, inni iqqaren ‘řarram tt, řarram tt, ař dsas nnes!’ A yeğis n Babil, cem tenni itwassřuzen i wareddeğ, mliř i yenni d am i řa ixegřšen tameggit iæeffnen i dayney teggid. Sseed n wenni i řa iřtefen iřenjiren nwen imeřyanen, ad ten terbez x teřđart.

G

A AREBBI, uř inu iæewweř, necc ad řennjey ad zehhdey, uřa d aeuği inu. Faq, lharpa d řgambri! Necc xsey ad ssfaqeř tifawt n řřbeř. Necc ad cek qadiy jar řegnus, a SIDI, ad ak zehhdey jar temmura. Mařar tamexsiwt nnek icewwaren tettakkwad tiwa i ijenwan, u tařdiqt nnek řars ař iseynuten. A AREBBI, sgæeed ixef nnek tiwa i ijenwan u arr aeuği nnek sennej i marra tammurt, řima imeizzen nnek ad twanejmen, awi asenjem s ufus afusi nnek u arr-dd xaney awař. AREBBI tuřa issawař di zzawect nnes, s uyenni i řa negzey s řefrařet. Necc ad bđiy Cakim u ad eebbarey taysart n Sukkut. Jilead inu, Manassi inu, Ifrayim d ijeħd n uzeğif inu, Yahuda d amgewwed inu. Maca Mu’ab d ssarij inu n usird, x Idum ad ndarey tisira inu, x temmurt n Filicit ad dduqqzey s usřiwrëw. Wi d ayi i řa inedhen di tendint ifaryen s iřebrawen? Wi d ayi i řa igewwden řar Idum? Ma war d aney tendared, a AREBBI, u ak-d řeskarat nney ma war dd-teffiyed ead akidsen, a AREBBI? Ewc aney afus řima ad aney tessnejmed zi řeřřaret, mařar asenjem s ufus n yijj n bnadem aqa ibđeř. Ak-d SIDI ad negg s wemřad u netta ad iefes x yenni d aney iřeřřaren.

H

Asem-dd, ejj aney ad nesřiwřew zzat i SIDI, ejj aney ad nedduqgez s usřiwřew i teřđart n usenjem nney. Ejj aney ad nades řar uyembub nnes s uqadi, ejj aney ad as nesřiwřew s izehhiden. Mařar SIDI d ijj Arebbi d ameqqran, ijj n ujeřid d ameqqran sennej i marra irebbiten. Deg ufus nnes imucan yuřyen qae n temmurt uřa d tiqiccatin n idurar aqa nnes. Nnes řebřar, mařar ixřeq it-idd u ifassen nnes ggin-dd uřa d řbar. Asem-dd, ejj aney ad nesjed, ad nařar, ejj aney ad neqqunjeř zzat i SIDI, wenni d aney iggin, mařar netta d AREBBI nney u neccin d řgens n tarewsa nnes u d uři n ufus nnes. Mařa ass-a tseřem řar tmijja nnes, war sseqsiřem ca uř nwem, am di Mariba, am deg wass n Massa di řexřa, mani tuřa d ayi ttjarrben řejdud nwem, qeřben ayi, waxxa tuřa nitni řrin řxedmet inu. Arebein n iseggwusa tuřa tteiffey jjiř-a, u nniř ‘Aqa-ten d ijj n řgens s wuř nsen iweddaren u war ssinen nitni ibriden inu. X uyenni necc jjuřeř di lyařab inu ‘Nitni war dd-ttidfen eemmarř di arrařet inu!”

I

Mayemmi ttħajen řegnus u ttemtimen řegnus s wawařen ixwan? Kkaren ijeřiden n temmurt uca mmcawaren řřukkam marra řidd i SIDI u řidd i Lmasiř nnes: ‘Ejj aney ad nqess iceddiyyen nsen u ad xaney nessbeeeed tisyunin nsen!’ Wenni izeddyen deg ujenna, iřeřřec, Sidi inu ad zzaysen istehza. Xenni ad kidsen issiweř s lyařab nnes uca s řřaduq n lyařab nnes ad ten issiggwed. ‘Nec aqa dehney Ajeřid inu, x řihyun, adrar inu iqeddsen!’ Necc ad barrřey tikkest n wawař! SIDI inna ayi ‘Cek d Mmi, jjiř-dd cek ass-a!’ Ttar zzayi u necc ad ac wceř řegnus d řwart uřa d tineggura n temmurt ad řark iřint d agra i cek. Ad ten trebzed s yijj n weqdib n wuzzař, ad ten tarřed d tarezzit amecnaw ijj n uřarraf n řřaxt. Řexxu xenni, a ijeřiden, iřim d ifehhamen, tebbtem ixef nwem, a řquřat n temmurt! Sexxarem i SIDI s tiggwudi u farřem s tarjijjet. Sudmem Mmis, řima netta war ittxeyyiř u ad tetwahellkem kenniw deg webrid, waxxa axeyyeq nnes itwasseyri drus waha. Sseed n marra inni i řars-dd yarewřen.

J

Hallilu-Yah! Sebbřem i SIDI zeg ijenwan, sebbřem it di řueřa. Sebbřem t, marra lmalakat nnes! Sebbřem t, marra řeskarat nnes! Sebbřem t, tafuct d tziri! Sebbřem t, marra itran yařeqqen! Sebbřem t, ajenna n ijenwan uřa d aman nni iřan tiwa i ujenna. Iři nitni ad sebbřen isem n SIDI, mařar netta yumur u ammu twaxeřgen-dd. Netta issbedd iten din i řebda qae, netta iwca asen ijj n weymir u war xas eeddun eemmarř. Sebbřem i SIDI, zi temmurt, kenniw řřaycat n řebřar d marra aman yuřyen, timessi d tebrurri d wedfeř d ddexxan, asemmiř n řřaryařt nni itteggen awař nnes, idurar d marra tiwriririn, ticejjura n fruta d marra ticejjura n tengelt, řewřuc n řexřa d marra řmar, imuddaren ittbeeen d iřřař s wafriwen nsen, kenniw ijeřiden n temmurt d marra řegnus, kenniw řřukkam d marra řquřat x temmurt, iřudriyyen uřa d tiřudriyyen, iwessura jmie ak-d imeřyanen! Ejj iten ad sebbřen SIDI, mařar isem nnes waha yueřan qae, tissiqt nnes tařeqq x temmurt d ijenwan. Netta issgaeed icc n řgens nnes, asebbeř n marra iřřiqen nnes, n ayt n Israyil, n řgens i dd as yudsen. Hallilu-Yah!

K

A SIDI, necc ttrāyiy ɣark, deyyat ɣari, seř ɣar tmijja inu xmi dd xak i ɣa ttrāyiy. Iři ad tbedd tzağit inu am řebxur ittfulen zzat i wudem nnek, uřa d asgaæed n ifassen inu am tewhibt n tmeddit. A SIDI, egg ijj n uæssas ɣar uqemmum inu, řda tawwart n iyencicen inu. Egg aqa uř inu war ittnejbid ɣar ict n tmesřact d taæffant, mařend ad ggey timegga s řyecc ak-d iryazen nni itteggen řmueřiyet u egg aqa necc war ttetey zi tazyuđi nsen. Ejj amsegged ad ayi iwwet, aya d tamexsiwt icewwaren, u mařa netta ittsegged ayi, aya d zzect x uzeğif inu, war tt ittarri uzeğif inu, maca waxxa amenni tazağit inu ead řidd i tmeğga nsen iæffnen. Řquđat nsen mmeđaren swadday x uyezdis n jjarf, nitni sřin belli awařen inu iđarfen. Axmi tetwacarrez u tennurzem temmurt, ammu i itwazeğeen ixsan nney ɣar uqemmum n řaxart. Maca tiřawin inu xezarent-idd ɣark, a SIDI, Sidi inu, necc ttecrey xak, war ttejji řeemar inu d aearyan. Siggwey ayi i wemnae n řfex i d ayi nedyen u zi texcifyn n yenni itteggen řmueřiyet. Iři iæffanen ad wđan marra di traccawin nsen, min ɣa kkey eedduy necc.

L

Axeřtu n ueffan issawař daxeř deg wuř inu “War ɣars tiggwudi n AREBBI zzat i tiřawin nnes.” Minzi axeřtu-ya iřinnab it di tiřawin nnes, ařami yufa aqa řmueřiyet nnes tarra it-idd ɣar wecrah. Awařen n uqemmum nnes aqa-ten d řyecc d wecmat, netta issbedd ad ɣarzu řefhamet řima ad igg řxar. Ittxemmeme di řyecc di qama nnes, iggur ad ibedd deg ijj n webrid war iřebřen. Řɣar war t ittmendir. A SIDI, tamexsiwt nnek icewwaren tiweđ ɣars ař ijenwan, tařdiqt nnek ař iseynuten. Tasegda nnek tegga am idurar n Arebbi, řeřkamat nnek am waman yuğyen. SIDI issenjam bnadem d řmař. Mečar tiyřa tmexsiwt nnek icewwaren, a AREBBI, ařami tarwa n bnadem tarekkwařen ɣar tiři n wafriwen nnek. Nitni twassjawnen s ufeyyed s tadunt n taddart nnek uca ijj n yeyzar s nneami nnek tewced asen min i ɣa swen. Maɣar ɣark i iğa řeunřar n tudart, di tfawt nnek aqa nettwařa tifawt. Swiřzed tamexsiwt nnek icewwaren x yenni i cek issnen u tasegda nnek x yenni i ɣar iğa wuř isegmen. War ttejji ad xafi dd-yas uđar n ayt n nnfaxet war ttejji afus n iæffanen ad ayi dd-yarr ad tellæy mani mma. Aqa din i wđan inni itteggen řmueřiyet, twayedřen ɣar temmurt u war zemmaren ead ad kkaren eawed.

M

Mammec tteizzent tzeddiyin nnek, a SIDI n řeskarat! Řeemar inu days meřri, wah ifenna s uweřheç x řemrařat n SIDI, uř inu d weysum inu sřiwrıwen i Arebbi iddaren. Uřa d zzawec ittaf ead ict n taddart u tafarğest tufa ijj n řeuç i yixef nnes i di tessrusa issđawen nnes, ɣar iealřaren nnek, a SIDI n řeskarat, ajeğid inu d AREBBI inu! Sseed n yenni izeddyen di taddart nnek, aqa-ten ttsebbahen i cek břa qeřtu. Sila. Sseed n iwdan inni ittafen jjeħd nsen dayek, inni iheřřan ibriden igaeeden ɣar zzawect nnek deg wuř nsen. Xmi ttcuqqan iyzar n imetřawen, arrin t d ijj n řeunřar. Uřa d anřar amezwaru ad ten issdurri s lbarakat. Nitni gguren zi jjeħd ař jjeħd, ad dd-banen ɣar AREBBI di řihyun. A SIDI, AREBBI n řeskarat, seř i tzağit inu, řheřs, a AREBBI n Yaequb! Sila. A AREBBI, cek d tcappa nney n useřqi, aqa xzar ɣar wudem n umedhun nnek! Maɣar ijj n wass di řemrařat nnek iħřa x wařef n wussan nneđni. Maelik ufiy ad beddey x tnebdar n taddart n AREBBI uřa d atlae deg iqıđan n ueffan. Maɣar SIDI AREBBI d tfuct d tcappa n useřqi, SIDI ad iwc ařinni d ueuği. Netta war isseizzi řxar deg inni igguren s řekmaret. A SIDI n řeskarat, sseed n bnadem nni dayek ittiqqan.

N

A Arebbi n untaqem, SIDI, Arebbi n untaqem, ban-dd di tissiqt! Řqađi n temmurt, sgaææed ixef nnek, arr tasyart i imæeffaren am min ssdahegen nitni. Mečar i ya kken ead iæeffanen, a SIDI, mečar i ya kken neggzen iæeffanen s řefrahet, ad qqimen ssawařen awařen iqeşen, mečar i ya qqimen marra inni itteggen řmueşiyet ad ssemyaren ixef nsen? A SIDI, nitni rebbzen řgens nnek, u heşşaren tasyart n řwart nnek. Nitni neqqen tajač d ubarrani u yarrşen i iyujiren. Nitni qqaren ‘SIDI war tt ittwiri u AREBBI n Yaæqub war i d as ittkekkan.’ Fetnem kenniw iqeffuhen di řgens jmie ak-d ibuhařiyyen, meřmi i ya tdewřem tfehmem? Ma war ittesři wenni i izzun amezzu? Ma war ızarr wenni iggin titť? Ma war itteaheb wenni ittextixen řegnus, wenni isseřmaden tussna i bnadem? SIDI yareggebe x ixarrişen n iwdan, aqa-ten am ijj n uşuđi waha. Sseed n weryaz nni cek ttextexed, a SIDI, u wenni tesserřmaded cek zi ccariæa, ĥima ad t tessareyyehed zeg wussan iæeffnen, yars ař ya itwahfar weřfur i iæeffanen. Mařar SIDI war ineřtar řgens nnes u war isemmeř di tesyart nnes. Mařar řřukm ad dd-idweř yar tsegda u marra inni yarsen uř iseggdan ad tt-idd deffaren. Man wen kidi i ya ibedden đidd iæeffanen? Man wen i xafi i ya iwten đidd i yenni itteggen řyecc? Mři war iři SIDI d twiza inu, iři izdey řeemar inu eřařar deg wesyađ. Mařa nniy ‘Ađar inu ittefriy!’, xenni tetťef ayi tmexsiwt nnek icewwaren, a SIDI! Mařa mmarnin dayi ixarrişen ař řtarf, tuya řeemar inu ittarr mezri deg usfewwej nnek. Ma iři tetteşsed ad kidek issmun řkursi n řyecc nni i issiwđen řeyben x dsas n tewşiyet? Nitni heşşaren řeemar n umseggad u cehhden x idammen ibarran s řyar. SIDI tuya d ijj n lburj yueřan xafi u AREBBI inu d taşđart n tarewřa inu. Netta ad xasen isseeqeb řmueşiyet nsen u am tteggen nitni řyar nsen ad ten iqđa netta. SIDI, AREBBI nney, ad ten iteřřa.

O

Sřem i uya, marra řegnus, şhessem marra, a imezday n temmurt, am tarwa n Adam am tarwa n yijj n weryaz, ayt bab n wagra d imezřađ marra! Aqemmmu inu issawař tiyt u ixarrişen n wuř inu ccuren s řefhamet. Necc ad wcey amezzu inu i wawař iweznen, ad ssargbey řajit inu n twafit yar tirart n řgambri. Mayemmi i ya ggwedey deg wussan iæeffanen, xmi i d ayi dd-tettenned řmueşiyet n yenni i d ayi-dd ideffaren di tiři inu. Aqa din inni ittcařen x řeksibet nsen u ttfeyycen s wagra nsen ameqqran, maca uřa d ict n tawmat war tzemmar ad tefdi ijj n weryaz, war tzemmar ad txeęeş ttaman n ddeyyet nnes i AREBBI. Řefdiyyet n řeemar nsen tiyřa ařas, war dd-tettis i řebda, ĥima netta ad iddar i řebda u eemmarş war ızarr andeř. Mařar ittwařa imiyisen mmuten, maca abuhaři d uqeffuř ad twaqessen s tnayen uca ad jjen řeksibet nsen i innedni awarni asen. Axarreş nsen yuęyen aqa tudrin nsen ad qqiment i řebda, tizeddiyin nsen zi jjiř ař jjiř. Waxxa uřa d timmura ggin asent ismawen nsen. Bnadem s marra ccan nnes, war ittyimi ca. Netta yarwes di řmař nni i yegguren yar qeřtu. Abrid-a i yarsen aqa-t d min i xef sennden nitni uca inni ten ideffaren ad jjiwnen s uqemmmu nsen. Sila. Am iřuriyyen ssareyyen nitni ixef nsen di řaxart, řmewt ad ten tarwes. Imseggaden ad xasen řekmen x şşbeř uca addud nsen ad tedweř i řyecc di řaxart, twassuffyen nitni zi tzeddiyt nnes. Maca SIDI ad ifdi řeemar inu zeg ufus n řaxart, mařar netta ad ayi yawi akis. Sila. War tteggwed ca mařa ca n weryaz idweř d bu-wagra, mařa acuwwar n taddart nnes yarni, mařar di řmewt nnes war akides ikessi ca marra aya, acuwwar nnes war ihekkwi akides awarni as. Waxxa itwabarek řeemar nnes di tudart nnes, u nitni ad cek ssemyaren mařar cek teggid min isebřen i yixef nnek, aqa ad dd-tawđed yar jjiř n řejdud nnes, nni war řarren tifawt i řebda. Bnadem s tecrimt, maca war ifehhem, netta am řebhimet ifennan.

P

Ssitimey qae x SIDI u netta yarra-dd yari s uzeğif uca issheşş yar uyuyyi inu. Netta issgaæeed ayi-dd zeg ijj n wanu icexxaren, zeg ubeğae d ubaryuđ, u netta issars idaren inu x teşđart, issemten işuraf inu. Netta igga ayi ijj n yezři d amaynu deg uqemmmu inu, ijj n izři n usebbeğ i AREBBI. Aţtas ad t ẓaren, ad tecřen x SIDI. Sseed n weryaz ijeħden wenni ittecřen x SIDI, wenni war ittmeyyřen yar ayt n nnfaxet uŗa yar yenni iweddaren yar uxarriq. Aţtas, a SIDI, AREBBI inu, d řeejayeb nni teggid uŗa d min tenwid xaney. Uŗa d ijj mma izemmar ad dd-iebar ixef nnes akidek. Necc ad asen hajiy u ad xasen ssiwřey. Aqa nitni deg waţtas war zemmaren ad twaħesben. War texsed tayarşt d tewhibt n řyiğet. Cek tessnuqqbed imezzuyen inu. Tayarşt n wecmađ d tyarşt n ddenb war tent tettared. Xenni nniy “Xzar, necc ad dd-asey, deg wedlis itwannđen yura xafi. Necc yari meẓri, a AREBBI, ħima ad ggey min texsed cek. Ccariġa nnek aqa-tt di daxeř n tekrikt inu.” Necc ttbarrħey řexbar aşebħan n tsegda nnek deg wegraw n řgens ameqqran. Xzar, necc war tteqqney iyencicen inu, a SIDI, cek tessned t. War ttxemmřey tasegda nnek daxeř deg wuř inu, necc ssawařey x tidett nnek u x usenjem nnek. Tamexsiwt nnek icewwaren war tt ssuffarey deg wegrawn řgens ameqqran. Cek, a SIDI, war xafi tessbeddid arreħmet nnek. Ejj tamexsiwt nnek icewwaren d teşdiqt nnek ad ayi ħđant řebda. Mayar war izemmar ad itwaħeşşeb řyar i d ayi iquwwaren, řmuşġiyyat inu ttmeneen ayi-dd u necc dewřey war ttwiřiy ead s man aya. Aqa-tent d aţtas x ucewwaf n uzeğif inu uca uř inu ittefcir. A SIDI, iři ad ac yarđa ħima ad ayi tessnejmed, a SIDI, deyyat ħima ad ayi tewced afus. Ejj inni i yarezzun řeemar inu ħima ad t teħħan, ad twaxarweđen u ad ssufaren ixef nsen jmie, ejj inni yareţtan x řyar, ad dewřen yar đeffar u ad twassbeħđen. Ejj iten ad twaredğen am uxeğeş i řefđiħet nsen i iggin, inni din iqqaren “Ha, ha!” Ejj marra inni xak yarezzun, ad arren meẓri, ad zzayek farħen. Ejj inni ittexsen asenjem nnek ad inin řebda “SIDI d ameqqran!” Necc aqa-yi di řeyben u d umezřuđ, maca Sidi inu ieqeř xafi. Cek d wenni i d ayi iwcin afus d wenni i d ayi issnejmen. A AREBBI inu, war ttetţtar ca.

Senjem ayi, a AREBBI, maɣar aman iwɗen ayi ɣar řeemar inu. Necc ɣebbiy deg ubaryuɗ yuğey, war din mani i ɣa beddey. Aqa-yi deg waman yuğyen u řhemřet tettazzeř xafi. Necc uħřey s iyuyyan, tmijja inu tebbuybeħ, tiřřawin inu qđant zeg uraji x AREBBI inu. Inni i d ayi icarrhen x walu ttweseen x ucewwaf i iğan x uzeğif inu. Inni yarezzun ad ayi isseigřen, ředyan inu i xafi ixarriqen, dewřen jehhden. Min war ucarey, ittxeřsa ayi ad tt-idd arrey. A AREBBI, cek tessned tubbuheřya inu u imerwusa n ddnub inu war xak ffaren. Ejj inni xak issitimen, war ttsedħin, a Sidi inu, SIDI n řeskarat, ejj inni xak yarezzun, war twafetřřen, a AREBBI n Israyil. Maɣar di řřwee nnek i kessiy aseħqar, u asedřři iřeħħef i uyembub inu. Dewřey d ayrib ɣar aytma u i tarwa n yemma dewřey d abarrani. Maɣar cđaret i taddart nnek tecca ayi uca aseħqar n yenni cek isseħqaran iwđa-dd xafi. Necc ruɣ ɣar uzummi n řeemar inu, maca aya yiwi ayi-dd eřam kuř aseħqar. Necc yarđey ict n txancet, maca dewřey asen d ijj n lmatal. Inni iqqimen ɣar tewwart n tendint ssawařen xafi uřa d izřan n yenni issessen ccrab. Necc maca ttettary ɣark, a SIDI! Aqa din ijj n řweqt n uħinni, a AREBBI, s řemyaret n tmexsiwt nnek icewwaren. Arr-dd xafi di řaman n usenjem nnek. Jbed ayi-dd zeg ubaryuɗ u ejj ayi war třebbiy! Ejj ayi ad twafekkey zeg inni i d ayi icarrhen u zeg waman yuğyen. War ttejj i ad ayi tawi řhemřet, řağay ad ayi isarđ, anu ad xafi ibellee aqemmum nnes. Arr ayi-dd, a SIDI, maɣar tamexsiwt nnek icewwaren teřbeħ. Qřeb ɣari elahřab arreħmet nnek ifeyyɗen. War tteffar ca ayembub nnek x umsexxar nnek, maɣar necc twaħřarey. Arr ayi-dd dawehđa. Ades ayi-dd ɣar řeemar inu, fekk it. Fdi ayi di ssibbet n ředyan inu. Cek tessned řear inu d usedři inu d řefđiřet inu, aqa marra inni i d ayi iřeřřaren bedden zzatek. Aseħqar yarř ayi uř u necc qenđey ařřas. Necc rajiɣ aziğez, maca walu, u rajiɣ inni d ayi i ɣa ieezzan, maca war ufiy uřa d ijjen. Nitni gg in ssem di macca inu uca i ufadi inu gg in ayi ad swey řxeğ. Ejj řřabřa nsen ad tedweř d řřex uřa d ict n tsendect i yenni akidsen ibedden. Sđaryeř tiřřawin nsen ħima war ttwiřin ead uca arr tijeinnatin nsen ad ttenhezzant řebda. Zeğee xasen asear nnek u ejj řħaduq n lyadab nnek ad ten iřqef. Ejj řmargeħ n tzeddiyř nsen ad idweř d řxarbet, maħend war days izeddey ead uřa d ijjen. Maɣar nitni darracen x weryaz nni tuya tewtid cek uca s řħard nsen arnin i řeħriq n yenni itwařeqqfen zzayek. Arr ddenb x ddenb nsen u war ten ttejj i ad dd-asen di tsegda nnek. Ejj iten ad twamħan zeg wedlis n tudart u war twazemmamen ca ɣar imseggaden. Maca necc aqa-yi di řeyben u qenđey. Asenjem nnek, a AREBBI, issgaeeed ayi sennej. Necc ad sebbħey isem n AREBBI s yijj n yezři u s uqadi ad as ssemyarey. Aya ad yarđa SIDI ktar zeg ijj n ufunas, zeg ijj n umwa s waccawen d tecđect temsebđa. Imwađeen inni tt izřin, ad farřen, inni yarezzun x AREBBI, aqa uř nwem ad iddar. Maɣar SIDI ittesřa ɣar imezřađ u war isseħqiri ca imeħbas nnes. Ejj ajenna d temmurt ad t ssemyaren, řebħur d marra min daysen ittenhezzan. Maɣar SIDI ad issenjem řihyun u ad ibna eawed tineddam n Yahuda u nitni ad din zedyen u ad tt warten. Zzariet n imsexxaren nnes ad tt teřřef d tasyart u inni ittessen isem nnes ad days zedyen.

R

“Qadam SIDI, řayam x yisem nnes, barrhem s tmeġġa nnes jar řegnus. Yennjem as, zehhdem i netta, siwřem x marra řeřjayeġ nnes. Cenneem s yisem nnes iqeddsen, ħima uř n yenni i yarezzun SIDI, ad ifarħ. Seqsam x SIDI d jjeġd nnes, arzum uġem nnes řebda. Eeqřem x řeřjayeġ nnes i igġa, x řeēřamet nnes u x řeħkamat n uqemmmum nnes. Zzariēet n Israyil, amsexxar nnes, ayt n Yaēqub twafarzen! Netta d SIDI, AREBBI nney. Řeħkamat i dd-ittasen x temmurt marra. Eeqřem x řeahd nnes i řebda, awař nni iweřřa i wařef n jjiřat, i igġa ak-d Ibrahim u issemten it s tjaġit nnes i Iřhaq. Netta igġa it d ict n tewřeyyet i Yaēqub, i Israyil igġa it d ijj n řeahd i řebda umi issiweř, inna “Ad ac wcey tammurt n Kenēan, ařiřu n řeēbar n tesyart nwem!” umi tuya kenniw deg ijj n wuru n yeryazen, s drus, u am ibarraniyyen i days. Nitni telēen zi řgens yar řgens nneđni, u zeg ict n tgeldit yar ijj n řgens nneđni. Netta war iiji uřa d ijj n bnadem ad ten isseħřar, u netta iēaqeġ ijeġiden di tťweē nsen. War tťħadam ca imedhunen inu u war tteġġem řyar deg inabiyyen inu. Xenni iřaya-dd i řař yar temmurt. Yarřa asen marra řeēweē n weyřum. Issekk-dd netta ijj n weryaz yar zzat i uyembub nsen, Yusuf immenz d ismey. Carfen iđaren nnes deg iceddiyyen, řeemar nnes itwaħřar deg wuzzař. Yars ařami itwasseqfeř wawař nnes, řħard n SIDI issizdeg as. Issekk ujeġid ijj ħima ad as issarxu, řħakem n řegnus iđřeq it. Netta igġa it d bab x taddart nnes uřa d řħakem x marra min yars. ħima ad yars dd-yarr řħukkam u ħima ad isseřmed tiyt i imyaren nnes. Awarni aya yusa-dd Israyil yar Miřra u Yaēqub iqqim am ubarrani di temmurt n Ĥam. Netta igġa řyiġet di řgens nnes aťtas u yarra it ijhed x yenni t iħeřřaren. Netta yarra uř nsen inneqřeb ařami dewřen carrhen řgens nnes u dewřen yeddaren imsexxaren nnes. Xenni issekk-dd Musa, amsexxar nnes, d Harun wenni ifarř it netta. Nitni barrħen jarasen s řeēřamat nnes u gġin řeřjayeġ di temmurt n Ĥam. Netta issekk-dd taġest uca tedweř marra d taġest. U nitni war yewwyen ca x wawařen nnes. Netta yarra aman nsen d idammen u inya iseřman nsen. Netta yarra tammurt nsen tessfuffi s iqarqriwen yars ař daxeř deg ixammen n ijeġiden nsen. Netta issiweř uca yusa-dd weyřaf n ibeēēac, nnamus wđan-dd x temmurt nsen marra. Netta yarra anřar nsen d aburri, issekk-dd timessi itteħdudduġen x temmurt nsen. Netta iwta tazayart nsen d wartu nsen u yarřa ticejjura di temmurt nsen. Netta issiweř, xenni tusa-dd tmuyri uřa d iburexsen i war zemmaren ad twaħesben, inni isarđen marra afsu di temmurt nsen, ccin řyiġet n ucař n temmurt nsen. Netta inya marra imenza di temmurt nsen, tarwa tamezwarut n marra taryast nsen. Netta issuffey iten-dd s nnuqart d wurey u war tuya din uřa d ijj di tqebbař nsen i inderfen. Miřra tfarħ s wuffuy nsen, mařar tewđa-dd xasen tiggwudi temyar. Netta ibezzee aseynu am ijj n arwaq d tmesi i ya iwcen tifawt s ġiřet. Nitni zzuġen u netta yarra ad dd-asent tisekkurin uca issjiwen iten s weyřum n ujenna. Netta yarzem tařđart d waman dduqqzen-dd, uzzřen x řařay u dewřen am yeyzar. Mařar netta iēqeř x wawař nnes iqeddsen, x umsexxar nnes Ibrahim. Netta issuffey-dd řgens nnes s řefraħet, inni zzayes itwafarzen s usřiwřiw. Netta iwca asen timmura n řegnus u nitni warten tamara n řegnus, ħima ad tťfen di tweřřa nnes u ad ħđan izerfan nnes. Hallilu-Yah.

S

AREBBI ad ikkar, řeedyan nnes ad twareyycen u inni t icarrhen ad arewřen zzat i uyembub nnes. Cek ad ten tessigg^wjed am ddexxan iřřaw, am ccmeē ifessi di tmessi, ammu i řa fñan iēeffanen zzat i uyembub n AREBBI. Maca imseggaden ad farřen, ad negzen zi řefrařet zzat i uyembub n AREBBI u ad řebban řefrařet. řennjem i AREBBI, zehhđem i yisem nnes, ggem ijj n webrid yueřan i wenni ineddhen di řewđa. SIDI d isem nnes. Negzem s řefrařet zzat i uyembub nnes. Ijj n babatsen n iyujiřen, ijj n řqađi n tajjařin d AREBBI di tzeddiřt nnes iqeddsen. AREBBI issezdey inni weřdsen deg ict n twacunt, issuffuy imeřbas s uřřař, maca imyewwayen ad zedřen deg ict n temmurt itwasscemđen zi tfuct. A AREBBI, ařami tizzared zzat i wudem n řgens nnek, ařami tuřa teggured di řexřa. Sila. Xenni tenhezz temmurt uca ucruren ijenwan zzat i wudem n AREBBI, uřa d adrar n Sina inhezz zzat i wudem n AREBBI, AREBBI n Israyil. Ak-d wenřar ifsusen, cek trucced tammurt, a AREBBI, řwart nnek nni i tuřa issřawen, tewcid as cek ēawed jjeđd. Tařimart nnek tuřa tzeddey days. S tcuni nnek tesswejdēd tt i řmeskin, a AREBBI. Sidi inu iwca awař. Timřarin nni dd-ittwayen řexbar ařebřan ttekewwnent ijj n ubarru d ameqqran n treqqasin. Ijeđiden n řeskarat ttrak^wařen, aqa nitni ttrak^wařen u tenni iqqimen di taddart, tbeřřa takeccađt. Xenni kenniw ad tbuzzřem jar tnayen n ifrayen, afriwen n udbir twareřřfen s nnuřart u arřic nnes s wurey aziza ittissiqen. Řami Amzemmar x kuřci issareyyec ijeđiden di temmurt, iccat wedfeř x řalmun. Adrar n AREBBI, adrar n Bacan. Adrar n Bacan d ijj n wedrar s tqiccitin. Mayemmi txezzarem ammu s wasam, kenniw a idurar s marra tqiccitin nwem, řar wedrar i imeřri it AREBBI i yixef nnes d tazeddiřt? Wah, nican SIDI ad din izdey i řebda. Ikarruten n AREBBI aqa-ten d ēecrayat n řuřuf d ēecrayat n řuřuf, uřa d ēecrayat n wařaf d ēecrayat n wařaf. Sidi inu aqa-t jarasen, Sina aqa itwareřřef s tqedđast. Cek tuřyed řar sennej, tnedhed di tmeřbast, cek tmenēed tarzifin zeg iwdan, iwa ēad zeg imyewwyen, řima SIDI, AREBBI, ad izdey dinni. Ad itwabarek Sidi inu. Ass x wass yarebbu i neccin ddquřat. Arebbi netta d amsenjem nney. Sila. Arebbi nni d ijj n Arebbi n isenjamin i neccin u aqa din ifekkiten zi řmewt řar SIDI, Sidi inu. S tidett, AREBBI, ad irbez azeřif n řeedyan nnes, aceqquf s ucewwaf n wenni iqqimen ittenneđ s imerwusa n ddñub nnes. Sidi inu inna “Nec ad kenniw dd-arrey zi Bacan, ad kenniw dd-arrey zi řařay n řebřar, řima ad řarřced s uđar nnek deg idammen uca uřa d iřes n yiřan nnek ad iřřef tasyart nnes zi řeedyan. Nitni řrin ibriden nnek mammec ten tuyured, a AREBBI, ibriden n Arebbi inu, ajeđid inu iřeřřfen di tqedđast. Imeyñajen tuřa gguren řar zzat, inni iccaten x ifiřan řar đeffar, tibřiřin, tinni ittiraren x ibendiřen nsent di řwest. Barkem AREBBI di tmesmunin, a SIDI, zi řeunřar n Israyil. Aqa din Binyamin ameřyan, wenni xasen ittseğđen, xenni řřukkam n Yahuda ak-d ubarru n iēciren nsen, uřa d řřukkam n Zabulun d řřukkam n Naftali. AREBBI iweřřa mařend ad tetwassejehded, a AREBBI, sejhed min teggid di řřweē nney zi zzawect nnek sennej i Urcalim. Ijeđiden ad ac iwyen tarzifin. Sigg^wed řweřc nni jar uřanim, abarru n ifunasen ijeđden ak-d iēejmiyyen n řegnus, ařami itwarbez ařami idweř nnuřart iddez. Netta izeğēē řegnus nni tuřa ttmežren deg umenyi. Ad dd-asen imcenneēn zi Miřra, Kuc ad iksi ifassen nnes řar AREBBI s težřa. A tigeldawin n temmurt řennjent i AREBBI, zehhđent i Sidi inu. Sila. Netta d wenni ineddhen deg ijenwan n ijenwan zeg wečař uya. Xzar, aqa netta igga ijj n řřess ijeđden s tmijja nnes. Wcem jjeđd i AREBBI! Leāđama nnes aqa-tt tiwa i Israyil u jjeđd nnes aqa-t deg iseynuten. A AREBBI, mammec tessig^weded zi tizawwiyyin nnek, AREBBI n Israyil, cek d wenni itticen jjeđd d tzemmar i řgens. Ad itwabarek AREBBI.

T

A řgens inu, ewc amezzuý i ccariea inu! Meyyřem amezzuý nwem řar wawařen n uqemmun inu. Necc ad arzmey aqemmun inu s wawař iweznen, necc ad barrħey řemeani innuffaren zeg weřař uya, inni nesřa u nessen u inni d aney řajan ibabaten nney. Neccin war ten netteffar zi tarwa nney, zi jjiř i dd řa yasen. Ad nbarreħ s tmeġġa isebbħen n SIDI u s tmeġġa ijeħden d řeejayeb nni tuřa igġa. Mařar netta igġa ict n cħadet di Yaequb uřa d ict n ccariea di Israyil nni tuřa yumur i ibabaten nney maħend ad tt ssřaren i tarwa nsen, maħend jjiř i dd řa yasen ad issen, iħenjiren nni i dd řa itwaxeřqen awarni asen u xenni nitni ad kkaren ad tt sseėdun i tarwa nsen maħend nitni ad ssarsen řaman nsen x AREBBI u war ttettun ca timeġġa n AREBBI, maca ad ħđan tiweřřa nnes, war ttiřin amecnaw ibabaten nsen, ijj n jjiř aýennan u iýewwyen, ijj n jjiř s wuř war imten u s yijj n arruħ iydaren Arebbi. Ayt n Ifrayim, imjeħbaden n řqews, eeqben deg wass n umenyi. War ħđan řeahd ak-d AREBBI u uġin ad uyuren di ccariea nnes. Nitni ttun timeġġa nnes d řeejayeb nni i d asen isscen. Zzat i tiřřawin n ibabaten nsen igġa netta ijj n řeejeb, di temmurt n Miřra, deg iyyar n řuean. Netta ibđa řebħar uca isseřwa ten zzayes u iija aman ad bedden am weřbar. Netta issqebbeđ iten s wass s useynu u s ġiřet marra s tfawt n tmeši. Netta ibđa řejruf di řexřa uca iwca i řgens ad isu s ufeyyed amecnaw zeg waman yuġyen. Netta iija řeunřarat ad feyyđent zi sseġaħ u netta iija aman ad hwan am iyezran. Maca nitni arnin di ddnuħ nsen xas u deg wesear deg Umeuġi x kuřci umi tuřa-ten di tnezruft yuřyen. Nitni jarrben Arebbi deg wuř nsen umi ttaren macca řar mezri n řeemar nsen. Nitni ssiwřen đidd i AREBBI, nnan “Ma izemmar Arebbi ad issewjed řřabřa di řexřa? Xřar, netta iwta di teřđart ařami dd-uzzřen zzays waman d iyezran. Ma izemmar netta ad iwc aýrum niý issewjed aysum i řgens nnes?” S uyenni isřa SIDI uca itwassary řađab nnes. Timessi tarya đidd i Yaequb u ikkar-dd řađab nnes đidd i Israyil, mařar nitni war ttiřin ca x AREBBI u war uminen deg usenjem nnes. Netta yumur iseynuten sennej u yarzem tiwwura n ujenna. Ifarrey-dd xasen ‘manna’ u iwca asen imendi zeg ujenna. Marra ccin aýrum n ijeħbaren. Issekk asen macca nsen řar webriđ ařami jjiwnen. Netta igġa asemmiđ n manis dd-tenqar tfuct ad ikkar deg ujenna u s tzemmar nnes issekk-dd asemmiđ n ljanuħ. Iija aysum ad xasen-dd iwđa am wenřar n teejjajt u ijdad s wafriwen am ijd i řebħur. Netta iija iten ad wđan di řwest n řmargeħ, řar marra iyezdisen n tzeddiýin nsen. Nitni ccin u jjiwnen qaė u ksin min di tuřa đemeen. Nitni tuřa ead war twafekken zeg weđmaė nsen, macca tuřa ead deg uqemmun nsen, umi i xasen ikkar řađab n AREBBI u netta inya zeg inni iġan d iqeħbuzen qaė jarasen u yarra-dd inni itwafarzen zi Israyil ad ađaren řar teejjajt n temmurt. Maca nitni qaė amenni arnin gġin ddnuħ u war uminen di řeejayeb nnes. Netta iija ussan nsen ad eđun am ijj n řefwar u isegġ^wusa nsen am ict n řeurret. Xmi ten i řa iney, arzun x Arebbi u dewřen řars, arzun xas s cđaret. Nitni eeqřen aqa AREBBI d tařđart nsen d Arebbi, Ameuġi x kuřci, amefdi nsen. Maca nitni ssniemiřen s uqemmun nsen u s yiřes nsen ssxarriqen xas. Uř nsen war t tuři ca imten akides, war uyuren s teřđiqt ak-d řeahd nnes. Netta maca tuřa yareħhem daysen u ifdi řmueřiyyet, war yareddeġ, maca ařřas n twařawin iija zi řađab nnes u war issekkar marra asear nnes. Netta ieqeř aqa nitni myir d aysum waha, am ijj n usemmiđ ieėddu war dd-itteiqqib. Meřař n twařawin searen t di řexřa, gġin as řeħriq di řexřa! Twařat awarni tenneynit qeġben Arebbi u gġin řeħriq i Umqeddes n Israyil. Nitni war eqiřen ca ead x ufus nnes, x wass nni řami ten ifda zeg ufus n yijjen i ten iħsaren, ařami igġa řeeřamat di Miřra uřa d řeejayeb deg iyyar n řuean, ařami igġa iyezran nsen ad dewřen d idammen uřa d marra řeunřarat nsen ħima nitni war zemmaren ad zzaysen swen ead. Netta issekk jarasen ijj n weyraf n ibeėeac i ten iccin uřa d iqarqriwen, inni ten teħħan. Netta iwca min řarsen iýemmyen i tmuyri ittetiėeen uřa d

ššabet nsen i tmuyri n weyřaf. Inya tazayart nsen s tebrurri uřa d izemmuren nsen s ibqugen imeqqranen n tebrurri. Netta iija řmar nsen i ubruri u tiřimriwin nsen i wassamen. Netta issekk řřaduq n lyadab nnes jarasen, amuzzar d tefqeřt d řeřeřran, umi dd-issekk lmalakat nnes s jirayeh. Netta iseggem iij n umesraq i lyadab nnes, war isseizz x řeemar nsen zi řmewt uca isseedu tudart nsen i řtaeun. Netta inya marra imenza di Miřra, amezwaru n tzemmar n teryast deg iqidan n Ĥam. Netta igga řgens nnes ad issgaeed am wuři uca issqebbeđ iten am ict n řimart di řexřa. Netta indeh iten di řaman, war gg^widen walu, mayar řebřar idřa řeedyan nsen. Netta iwyi ten řar temmurt n zzawect nnes iqeddsen, řar wedrar-a nni d ikseb ufus afusi nnes. Netta issuffey řegnus zzat i wudem nsen u igga ad asen-dd tekkar tesřart nsen s ufiřu n řeēbar u issezdey tiqebbař n Israyil deg iqidan nsen. Maca nitni jarrben t u searen AREBBI, Ameuři x kuřci, u war řđin cchadat nnes. Nitni dewřen řar đeffar uca ggin s řeydar am ibabaten nsen. Nitni weddaren am ict n fritca n řqews i iffyen s řexdeē. Nitni ssekkaren lyadab nnes s řegeudi nsen u hewřen asam nnes s řexyařat nsen ineqcen AREBBI isřa man aya uca itwassary lyadab nnes uca idweř ieiff ařřas zi Israyil. Netta iija tazeddiyt nnes di Cilu, aqıđun mani tuya izeddey jar iwdan. Netta yarra tizemmar nnes řar řebbast uřa d talwizt nnes řar ufus n wenni t iřeřřaren. Netta isellem řgens nnes i ssif u ixeyyeq ařřas x tesřart nnes. Timessi tecca iřudriyyen nsen u tiezariyyin nsen war xasent dd-iwyen iyennijen. Ikehhanen nsen wđan s ssif u tijjař nsen war runt ca. Xenni ifaq-dd Sidi inu amecnaw ca n yijj tuya ittřen, amecnaw iij n bu-teyruđt nni issyuyyu zi binu. Netta iwta wenni t iřeřřaren řar đeffar, igga daysen řefđiřet i řebda. Aqıđun n Yusuf inđar it u taqbič n Ifrayim war tt ifarz. Ifarz taqbič n Yahuda, adrar n řihyun wenni tuya ittexs. Ibna zzawect nnes tamqeddast, am řegeudi, am temmurt nni issemten i řebda. Netta ifarz amsexxar nnes Dawud u iksi t zi řkurit n wuři. Iija it ad dd-yas zi řar đeffar n wuři, mařend ad yarwes Yaequb, řgens nnes, uřa d Israyil, řwart nnes. Netta yarwes iten elahřab tasegda n wuř nnes uca igewwed iten s ufus ijehden nnes.